



Broj: 12/08-27-11991-5/18
Zenica, 12.10.2018. godine

Na osnovu člana 69. stav (3) Zakona o javnim nabavkama ("Službeni glasnik BiH" broj:39/14) i Zapisnika komisije sa preporukom, broj: 12/08-27-1191-4/18 od 18.09.2018. godine, u otvorenom postupku javne nabavke radova broj: 1417-1-3-17-3-26/18 od 27.07.2018.godine, direktor Kantonalne direkcije za ceste Zeničko-dobojskog kantona, donosi:

ODLUKU

o otkazivanju postupka javne nabavke

I

Otkazuje se otvoreni postupak javne nabavke broj: 1417-1-3-17-3-26/18 od 27.07.2018.godine, a koji se odnosi na radove: „Rekonstrukcija lokalne ceste Zenica-Babino-Arnauti, dionica II”.

II

Otvoreni postupak javne nabavke se otkazuje u skladu sa članom 69. stav (3) Zakona o javnim nabavkama BiH, odnosno zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Kantonalna direkcija za ceste koja se nalazi u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona je Odlukom broj: 12/08-27-11991/18 od 26.07.2018. godine a u skladu sa članom 25. Zakona o javnim nabavkama BiH („Službeni glasnik BiH“ broj: 39/14) pokrenula otvoreni postupak nabavke radova: „Rekonstrukcija lokalne ceste Zenica-Babino-Arnauti, dionica II”.

Dana 27.07.2018. godine na Portalu javnih nabavki objavljeno je Obavještenje o nabavci broj: 1417-1-3-17-3-26/18.

Na osnovu Obavještenja o nabavci i tenderske dokumentacije zakazano je i održano javno otvaranje ponuda dana 14.09.2018. godine u 13:00 sati, u prostorijama Kantonalne direkcije za ceste, Kučukovići broj 2, Zenica, što je i konstatirano u zapisniku o otvaranju ponuda a sve u skladu sa Zakonom o javnim nabavkama BiH.

Komisija za javne nabavke imenovana rješenjem broj: 12/08-27-11991-2/18 od 10.09.2018.godine, je na javnom otvaranju ponuda konstatirala da je ponude predalo (4) četiri ponuđača i to:

1. Grupa ponuđača “MGV GRADNJA” d.o.o. Zavidovići i “GRADNJA 1” d.o.o. Tešanj,
2. “ALMY TRANSPORT” d.o.o. Zenica,
3. “JATA GROUP” d.o.o. Srebrenik i
4. “ŠPIC BETON” d.o.o. Zenica.

Nakon javnog otvaranja ponuda dana 14.09.2018. godine, Komisija za nabavke pristupila je pregledu i ocjeni ponuda, kako bi se utvrdilo koje su ponude prihvatljive, a prije zakazivanje e-aukcije, koja je predviđena tenderskom dokumentacijom.

Na drugom sastanku Komisije za nabavke održanog dana 17.09.2018. godine, član komisije imenovan ispred Grada Zenice, je iznio tvrdnje i sumnju u regularnost postupka javne nabavke, odnosno u regularnost pregleda pristiglih ponuda.

Zbog navedenog, a u cilju transparentnosti i zakonitosti provođenja postupka, te zbog jednakog i nediskriminirajućeg tretmana svih ponuđača i osiguranja pravične konkurencije, kao i zakonitost provođenja postupka, Komisija za javne nabavke je dala preporuku ugovornom organu da na osnovu člana 69. stav (3) Zakona o javnim nabavkama BiH otkáže postupak javne nabavke radova broj 12/08-27-11991/18.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o otkazivanju postupka javne nabavke dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Svim ponuđačima,
2 x a/a

